

مدیری : ابن السری
احمد جودت

مؤسسی : ابن السری
مصطفی نامق

آسیان

ادبی ، علمی ، سیاسی ، اجتماعی ، فنی ، اخلاق ، ہنر ، لہجہ مجموعہ در

نہجشانہ

برنجی جلد

نومرو ۸

برنجی سنہ

۱۰ شوال ۱۳۲۶

۲۳ تشرین اول ۱۳۲۴

استانبول

محل ادارہ می : جفال اوغلندہ دائرہ مخصوصہ
باب عالی جادہ سندہ ۴۰ - ۴۴ نومرولی سلانیک مطبعہ می

۱۳۲۴



فادیه وگی

— مایمه —

وداد بهجت ، ابتدا نه چالاجغنی تمین ایدرمیه رك ، قیصه بر لحظه تردد دن
صوكرایای بر ایکی دفعه دوگاه اوزرنده كزیدردی . پارماق-لرینك برتم-اس
خفیه یله بواغجه كیریشلردن رقیق بر حجاز نغمه سی طیران ایدرهك اودانك هوای
سكوننده لطیف بر موسیقی دالغه سنك اهتزاز لرینی اویاندردی ...

شمیدی بودالغهلر ، توالی ایدیور .. وقوملی بر ساحل اوزرنده قوشوشان
صولر کی خفیف زمزمه لرله یوكسلدكدن صوكرایا سینه سنده مدھش بر فیر طنه نك
ولوله لرینی صاقلایان متهور بر دكرك درونی اوغولتیلریله ایكله یور ... صوكرایا
بوساكن دالغهلر ، یاواش یاواش كوپوره رك . چارپیشه رق افقلره دوغرو
اوزاقلایر كن صوك بر این اختضارله سونیورایدی ...

وداد بهجت ، درین بر سكوت والهانه ایچنده استماع ایدل كدن مخطوظ ،
دماغنده عظیم بر نشوؤ سعادتله ، بوموسیقی دالغلری آراسنده ، صانكه غشی
اوله رق یوزیوردی . بر آرائق نظر لری ، والهه نك اوزاقدن كنیدینی تدقیق
ایدن كوزلرینه تصادف ایتدی . اونلرده ، شمیدی بر آراولگی حیرته مقابل
برلمه نقدیر واردی . دلیقانی ، در حال بونك فرقه وارهرق بوتون اعصابندن
برسیاله آتشین آقیتان بر تاثیرله تیره دی . والهه ، كندی یاشسنده اولانلره
مخصوص بر ضیافتله ، وداد بهجتك بونون بوتائرلرینه لایقید نظر لرینی ، اوندن
آیرمایوردی ...

نهایت تقسیم بیتمش ؛ حجازدن بر شرقی به باشلامشدی . او ائنده پیاسه به
ییکی چبقان بوشرقی بی صالحه صانم بك سهوردی . همان هر زمان وداده اونی

چالدرر و بعضا بر ایکی کره تکرار ایتدیردیکی ده اولوردی . و داد بهجت اوندک بوارزوسنه واقف اولدینی ایچون نه زمان حجازدن بر فصل یایسه ایتداونی چالاردی . شمدی بنه عین شرقی یی سویلرکن کوزینک اوجیله ییکه سنه باقدی . او ، بر سمع دقتله دیکله یور ووداده نظر لرینک بر معنای ضعیفیه لشکر ایدیوردی . سوکرا ، بونی صیرا ایله دیکرلری تعقیب ایتدی ...

شمدی و داد بهجت ، کانی راقش ؛ ییکه - ذک ، اوکون استانبول خلقنک بر قسم کزیده سنی نشان طاشنه جاب ایدن بر دوکون حقنده کی مطالعاتی دیکله یوردی . ترتیبات او درجه آفرانغه ایدی که صالحه خانم ، سویله مکله بیتیره میور . . و اگ خرده تفصیلا نه وارجه قدر تنقید ایدیوردی . بونلرک ایچنده اگ زیاده کلینک قیافتی شمایان دقت ایدی . اوزرنده مجوهرات نامنه پارماغنده ایکی یوزوکلله قولقلرنده کی کوپه لر ، و کوسنده آلتون بر مدالیوندن باشقه بر شیء یوقدی . حتی باشنه تاج یرینه لیون چچکلرندن بر چانک قونولمشدی . بوکا مقابل پارسدن ایکی یوز آللی لیرایه کتیرتیلدیکی روایت ایدیان بر البسه سی واردی که سیاه ساندن دو لیون اوزرینه ایچیلرله ایری یاراقلر ایشله نمشدی . بو ، بر چوقلرینک آره سنده قیل و قالی بیله موجب اولمشدی . بعضیلری ، نظرلرنده بر استفه سار معنیدار ایلله - عجبا کلین خام نچون سیاهلر کیمنی ؟ . دیور . بر دیکری بونک بر نشانه ماتم اولسی احتمالی ایلری یه سوریور . . کیمنی ده صوگ سنه لرده اوروپاده رغبت کورن مودالردن بحث ایدرک کولوشه یورلردی . حق کلین ایلله کوکینک اوئل مناسباتنده بعض اسرار انکیز جهتلر بولوندیغنه دائر دوران ایدن شایعه لر واردی . صالحه خانم ، بوراده کوزینک اوجیله والهیه باقه رقدها زیاده درامه لزوم کورمه دی . یالکیز کلین ایلله کوکینک قولتوقدن صوکر اقربادن اولدقلری سویله ن بعض ارککلرله خصوصی سالونده تربیت ایتدکبری دانسدن بحث ایدرکن اودرجه فوران ایدیوردی که نهایت اولر حقنده کی فکرینی بر کله ایلله اجمال ایتدی : — ناموس سز لر ... دیدی .

صالحه خانم ، یوتون بو ایضا حاتی ؛ متعصب قادینلره مخصوص برلسان مواخذنه ایلله بر چیربیده اعطا ایدرکن والهیه ، مبنی مبنی دماغنک لایقیه

احاطه ایدم مدیچی بوتفصیلاتی ؛ هر شیئی او کر نمکه حریص بر چو جوق دقتیله
دیگه یور .. و آراده صیراده - نیچون آبالا ؟ .. نه اولمش آبالا ؟ .. سو آلر یله
بجئ. قاریشمق ایسته یوردی . و د د بهجت ، بوم صومانه - و آلر یله اونی دها
صاف ، دها سویملی بولارق قلیند. طامعق ایستین برغایان حسیاتله اوکافارش
کیتدکجه قوت پیدا ایدن بر محبت ، حس ایدیوردی . بواشاده خدمتچی قز
ایجری به کیره رک :

— والهه خانم ، آنه کز ، کیدیور ... دیدی .
والهه ، بردن او طور دینی یردن فیزلایه رق قوشدی . صالحه خانم ،
آرقه سندن باغریوردی :

— والهه ، یاواش این ، دوشه جکسک ...
او ، ایشیتمه به رک مر دیوه فی سرعتلی آدیملرله ایندی . آرقه سندن صالحه
خانم ده بورودی ... شمعی و داد بهجت ، اوداده عموچه زاده سیله یالکیز
قالمشدی . او ، یاریم ساعتدن بری اهاک ایدیلشندن بالاستفاده ، قاریش دیر مق
ایچون قلینده دائما شدید بر احتیاج دویدینی یاغلی بویا طاقنی ؛ کیمسه به حس
ایتدیرمه دن سهپانک اوزرندن آشیره رق دویه دویه تدقیق ایتمش ونهایت اک
زیاده سه و دیکی قرمزی بویا ایله قوطونک قاباغه بر انسان رسمی باقیمقه باشلامشدی .
ودادک کندیسنه طوغرو کلدیکنی کورونجه بویا ایله فیرچه پی یازخیانه ک آلتنه
فیزلانه رق قالقدی . و داد بهجت ، دمیندن بری اونک نه ایله مشغول اولدیغنک
فرقه واره رق :

— بهزاد .. دیدی . اوراده نه یاپیورسک ..؟
او ، جواب ویرمه به رک یاواش یاواش قاپی به دوغرو ایلرله دی . قاپینک
خذاسنه کلدیکی زمان آرتق قورتولمشدی . و داد ، خالینک اوزرندن بویا طولومنی
آلیرکن سویله نیوردی :

— آه ، چو جوق .. دیوردی . نه یارامازسک ؟ ...
قوطونک قاباغنده کی انسان رسمی ایلشمه مشدی . اوللری یرلی یرینه
قوبدقدن صوکره تکرار پنجره ک اوکنه کلدی . طوپقو اوزرنده آلتون بر

جمیل سلیمان

(مابعدی وار)